

Griffie ER Bonaire	
Ingek.:	JUN 19 2015
Volgnummer:	2015005965
Griffier:	Uitv.:

DEKLARASHON

Kralendijk 18 di Yüni 2015.

E organisashonnan Nos Ke Boneiru Bek (NKBB) , Union Patriótiko Boneriano (UPB) i Partido Demokrátiko Boneriano (PDB) ta rekonosé e echo ku NKBB tin 222 dia den akshon ku sede permanente dilanti di ofisina prinsipal di Gobernashon.

Ku e akshon aki a inisiá i persistí ku e úniko meta pa logra ku e Pueblo di Boneiru por partisipá den un Referèndem pa ku su futuro Struktura Estatal.

Ku na dos okashon Gezaghèber di Boneiru a instruí NKBB pa retirá for di e sitio i tambe kita tur bòrchi i otro pertinensianan for di e área.

Firmantenan ta afirmá ku e akshon di NKBB a demostrá di ta unu pasífiko i ku e organisashon i su aktivistanan ta determiná pa mantené pas i trankilidat den nos komunidad.

NKBB a tuma nota di e akuerdo di Gobernashon entre UPB i PDB i ratifikashon di esaki pa 2/3 parti di e miembronan den Konseho Insular.

Tambe Konseho Insular a tuma un desishon ku un kontenido ku ta trata futuro struktura estatal di e Isla di Boneiru.


Representantenan di Pueblo i mandatarionan di Boneiru na okashon di e siman di Karibe Hulandes a entrega e dokumentu aki na miembronan di Parlamentu Hulandes i minister Plasterk.

Frakshonnan di UPB i PDB a demostrá nan determinashon pa inisiá i kontinuá ku e proseso pa e aña aki organisá un Referèndum.

NKBB ta rekonosé i afirmá ku e koalishon aktual den apénas dos luna di tempu a kana un trayekto serio ku e meta pa yega na organisashon di un Referèndum, lo kontinuá konhuntamente i aktivamente ku tur partnernan envolví den e proseso aki.

Ku esaki ta duna NKBB suficiente motibu pa di un manera pasífiko i ordená kumpli ku e petishon di sr. Gezaghèber.

Deklarashon firmá na Kralendijk Boneiru, den presensia di sr. Gezaghèber E.E. Rijna .

NKBB

 sr. James Finies.
 Presidente.

UPB

 sr. James Kroon.
 Lider di Frakshon.

PDB

 sr. Robby Beukenboom.
 Lider di Frakshon.